

夢
樓
詩
集

夢樓詩集卷十二

丹徒王文治禹卿

西湖長集

庚寅之冬遊於杭州逾年春遂掌教西湖之崇文書院湖上之四時朝暮晴雨領會殆遍因自號西湖長古今體詩一百首

奉招蔣蓉盦先生暨吳竹嶼同年遊西湖次韻二首

西湖二月已暄和早是春光一半過芳草煙迷新綠岸遙天晴接蔚藍波柔絲脆竹風邊急髣髴衣香陌上多點點飛花撲樽酒欲憑天女問云何

垂垂新柳拂靈和彈指春明十載過文陣當筵騰駿馬酒

潮背燭閃橫波霓裳同甲紅梨少箬笠門生白髮多換羽
移宮三爵後傷離懷舊雨如何

西湖采菱曲

錢塘門外波痕綠柔艣呶啞夏寒玉誰家少女髻鴉雛霧
薄羅衫紅映肉段橋南去饒菰蒲紫莖綠葉錦繡鋪萍牽
荇挽采不得跳波輕濺千明珠前宵采蓮偕女伴新粧欲
與花光亂西風一夜雨聲寒粉墜紅銷香脫瓣菱花如鏡
波沉沉虛持照而不照心何當皓月向懷墮徒倚畫橋空
碧陰

潘菽溪觀察以鱒魚見餉賦謝二首

湖上蕭閒水竹居轅門珍重惠雙魚教人忽觸鄉園思綠

晤西津舉綱初

蓮山好竹雨冥濛
儻守家厨日日供
從此渭川千畝隘
長江萬里著胸中

題姚春漪懷人覓句圖

秋桐空館落春樹
遠天平風雨思君
子停雲懷友生
少年湖海氣
衰暮別離情
撫卷自惆悵
江樓皓月傾

湖上口號

門外澄泓湖水流
門前獨樹繫漁舟
晚來放棹波心去
便似江山萬里遊

夏日同趙味辛金雲莊湖上觀荷

湖上宜春和夏景
亦妍麗曲沼與廻汀
到處發荷菱花宜

承露開香能逆風至清氣生晝涼紅影動魚戲晨起凭闌
干獨享每慚愧趙君翩然來似月天邊墜握手上下扁舟便
有凌雲意憶與君別時寒暑入更替情隨流水深事共浮
英逝奔驥尙羈足倦禽甘息翼金子亦瓊枝朗朗玉山霽
雞缸莫厭頻此會良不易被酒立斜陽晚花增嫵媚

麴院雨後觀荷

隄外朱欄一道斜澄湖如玉碧無瑕烟光自潤非關雨水
藻俱馨不獨花公子振衣波立鷺佳人盪漿髻垂鴉記會
玉竦橋邊過

都城玉竦橋
荷花最盛

回首滄江閱歲華

雨後湖上晚歸卽事

錢塘門外棹晚度段橋灣波作新涼色山宜雨後看斗然

煙靄合舟在無間何處湖邊寺鐘聲出渺漫

陳聽梅分司以蒲團見贈報詩三首

朝來剝啄起林鴉童子應門笑語譁
筒是雲棲禪納物如
何來自宰官家

海樓十丈拂寒雲

蒲團以
棕爲地

雅製偏宜疊穀紋
桐陰打坐未

移晷消去朱炎已十分

枕上邯鄲夢未成
龜毛兔角漫縱橫
東門黃狗華亭鶴
悔不蒲團過此生

友人觀我圖

芸芸萬類生自謂皆名我
聚散似團沙
微逐紛駁
駢達人
重忘機
大千消
宴坐觀我
與觀人
位置俱
帖妥
棕鞋踏黃

葉朝衫曳青瑣相值浪飄萍過去弦脫筇蒼蒼海上山漠
漠翠煙鎖龍瀉走雷霆萬象盡么麼借問我爲誰露柱聊
印可

寄懷宋小巖兼東曹竹虛祝芷塘四首

星河雲海望迢迢八度花朝與雪朝徼外蠻煙空目極楚
南芳草易魂銷抽身我本疎慵慣奮翅君方搏擊遙豈必
升沉關氣類輕舟相繼訪漁樵

拾城瓊苑蕊珠宮香案西偏紫閣東夢裏似曾聞廣樂歸
來但覺任靈風蓬瀛消息無青鳥煙水生涯有雪鴻近日
愈諳禪悅味繁華清淨兩俱空

每向東華散玉珂相於花下酌紅螺歐梅自許賢豪聚蘇

李偏教濶別多棋局居然更甲子酒壚真是邈山河何截
解話當年事

謂李桂郎

也與樽前喚奈何

棧道雲連粵海霏星昭先後有光輝

去茂正塘典試四川頭竹虛典試廣東

吟詩喜得名山助講道欣添玉筍圍
舊雨定知縈遠夢野雲端不耐高飛
年來自署西湖長占取蘇堤作釣磯

莆塘脩竹

萬竿脩竹處靄靄畫陰生涼吹一以發
寒泉相與鳴錚鏦奏天樂斷續聞珮珩
自非子猷輩誰賞此幽情

狄曉山自粵中歸杭州

言從五羊城載返六橋路解鞍向松陰
側帽立官渡流水澹斜陽疎籬翳紅樹
柴扉入深巷便是幽棲處兒輩讀書

聲遙與風泉互

六月廿四日詣周海山前輩留飲使署話舊慨然

二首

十六年前此夜中龍濤鼙鼓大鯨風無邊海氣連雲黑有
處神光渡水紅雷雨萬靈朝 玉冊旂旛千道駕金虹先
生忠信平生事坐鎮天吳珠貝宮

雙丸跳擲太奔忙玉署分襟幾雪霜親友舊爲湯餅會

是日慶祝天后同人蟬以爲我輩生日設酒餞焉湖山同領芟荷香青天一髮知

何處綵筆千秋尚有光回首紅蕉花影下笏屣秋月正難
忘

立秋日同蔣心餘前輩暨諸子聽王范二女彈詞

二女皆盲於目

西風一入千林杪，萬里寥天肅清曉。客懷蕭瑟不能尋，誰遣哀絲撥織爪。王女蘭心黯淡粧，微詞齒頰播芬芳。消瘦腰肢初病校，白羅衫子玉肌涼。范女韶年正豐艷，顰暈紅酥如酒醺。鴉雛雙髻，鞞金釵風動，裂花蝶衣閃成君。浮磬子登璫，金醴曾經侍玉霄。謫降道緣猶未減，不將青眼看塵囂。執質由來兼黠慧，傳神豈待秋波媚。輕雲冉冉月宜遮，香霧濛濛花愛睡。慢攏輕撚最有情，流泉瑟縮藕絲繁。嚙羽咀宮含復抑，故教幽意不分明。蔣侯奇氣高嵩泰，掣鯨祇覺西江隘。扁舟稱病謝蘭臺，閒吐風雷逞雄快。余亦孤蓬天地間，布衣骯髒一漁竿。相逢偏是清商發，玉貌紅

燈綺牕月杜甫江南怨落花樂天湓浦感琵琶十載水霜
同宦海中年絲竹又天涯來朝黃葉空階積惆悵江頭白
日斜次日心餘
卽返山陰

筠洲讀畫圖

筠洲千戶竹讀畫在其間澗積四時雨門臨太古山不愁
白日到時有清風還見乞貓頭筍應開饑守顏

題孫景高僧衣圖二首

繡佛長齋早息機前身金粟是耶非優曇一朵開中看畧
似僧家壞色衣滇中優曇花色頗
似僧衣但加明映

余亦年來師粲可多君先我晤前因微風吹動袈裟角便
是西來雲水身

青鸞曲效温飛卿體

度索千遍桃花紅
嚙音鸞鳥栖其中
小瀛碧浪一萬頃
扶桑羲御朝瞳瞳
長咽錦臆鼓鈴鞞
拂露撩烟青婀娜
風世曾脩並命因
惠心合證生天果
金母裁書報上元
早陳麟脯待魚軒
臨霞更致殷勤語
敕汝靈禽速將去
游絲日煥碧霄閑
自向罡風振羽翰
五色纏縱天半過
紅塵遙作綵雲看

梅影四首

誰寄江南黯淡情
臨流脈脈復盈盈
燈凝永夜色香靜
月到半窗魂魄清
偶入竹陰尋不見
試教笛奏落無聲
闌干垂手驚相認
髻霧鬟風太瘦生

著烟著水也俱宜移過閒階雨不知剛是書帷人靜後恰
當紙帳夢迴時僧歸獨樹凍雲散鶴警隔溪清漏遲霜裏
漫辭欹枕看朝來月墮便相思

仙姿何處許追攀多在烟巒縹緲間萬里月華浮庾嶺半
湖春水浸孤山白生虛室香難覓信到空堂人未還借問
揚州舊東閣斜枝仍映竹西灣

一片迷離隱澗阿自將皓質託烟蘿竹籬茅舍朝暉淺流
水空山夕照多公主素粧疑對鏡神妃玉佩愛凌波寂寥
若遣形相荅同倚春風斂翠娥

題潘屋筠雙巖圖

雙巖入雲聳萬樹隔溪陰到此塵懷淨悠然擁鼻吟余少

幕棲遁買山無橐金顛毛看漸白何日入林深

病起十首

伏枕逾三月矇矓閱燠寒曾看芟荷盛忽報菊花殘落葉聲驚砌歸鴉影度闌秋懷寄何處根觸太無端

腰帶垂垂瘦顛毛颯颯風先零白門柳半死嶧陽桐腕弱書恒怯思慳吟未工寂寥孤館坐所得是觀空

粗解瞿曇理稍清膏火煎簾垂午飯後夢斷曉鐘前尙帶詞人習深慚杜撰禪藥爐烟裊裊不礙日如年

百日不出戶聊從鄰曲遊早持宣武杖先御子陵裘卽事多欣暢逢人且逗遛深宵未能寢有月在高樓

小別西湖後長教繫夢思滴紅花褪處潑翠雨來時裙屐

借詩侶笙歌逐酒旗急須雙槳去梅放小春枝

霜菊猶堪戀朝來供滿瓶畫幘添秀色素幌送清馨北里
矜繁豔東籬尙典型試看松與柏經歲鎮青青

浮生真若夢往事偶思量載筆雲霄上乘槎日月傷百蠻
天杳渺 三殿賦光芒醉向溪翁說猶堪助一觴

黃葉積空階蕭蕭欲沒鞋茫茫百端集門內似天涯卷軸
從吾好優閒亦自佳平生重遊舊難遣是離懷

昨送遠行客

鮑雅堂舍人入都

今逢垂髮交

劉存子編脩歸里

鴻冥憐故

呂鳳臧各新巢樽酒情何限河梁淚欲拋芥舟無遠志終
是戀堂坳

秋筠重斫節黍谷再回春漸覺筋骸健應知藥餌神同塵

關道德忍辱是仙人著袂何須計天花亦未真

潘握筠爲篴春疇寫脫巾獨步圖

春疇爲在辛先生族孫

閒閒鸚笑齋謾謾松子閣超超江上逸

在辛先生寂寂於斯託

林泉性所耽書畫時復作至今遺墨香寸楮抵雙理族孫
有祖風高詠發磅礴風貌朗玉山偏宜置邱壑潘子亦靜
著烟霞疾難藥戲拈表聖語爲寫柴桑樂秋氣何清蒼一
夜蕭寥廓西風過我廬天地皆瘦削幽人有眞賞自與儕
輩各因之懷先民橫霄邈孤鶴

郡守錢南浦遷任江寧詩以送之

朱幡輕拂草芊芊萬頃桑麻萬井烟人爲范公歌五袴天
教白傅住三年高樓柳色金陵勝古驛花深缺甕連共飲

西江江上水恩波依舊到門前

三徑歸來松菊殘濃陰欣借一枝安
但看魚鮓知廉吏却愧猪肝累長官
畫戟承新雨露幅巾記其舊遊觀使君
識曲同公瑾擬譜中和協律難

飛來峯

攙天青影白雲封東土依稀見鷺峯
行過石橋流水歇冷泉亭外一聲鐘

清明卽事

清明時節到西湖插漢雙峯半有無
柳外一聲疎雨過碧琉璃上看跳珠

四月十五日家竺廬招赴餘園看牡丹卽席二首

萬綠成帷壓碧紗小橋迴處簇紅霞最難夜月十分滿況
對春風第一花策杖山翁來酌酒題與仙吏正休衙更深
重與移燈看清影高低著袂斜

爛醉金尊莫放空對花人亦似花紅劇憐春在闌干北更
命筵開畫閣東露氣靜歸珠箔裏酒香濃入玉簫中自憐
希逸衰慵慣也逐韶華立晚風

便面有寫淨慈寺圖者戲作問答供佛齋上人
若云非南屏金碧莊嚴具若云是南屏師住於何處
仁者失分別南屏忽現前嶺外雲歸樹湖心月在天

久雨得晴蘇蘭圃過訪邀同泛湖時蘭圃歸自京
師卽送其之博羅新任

入夏一雨十餘日僵如乾蝶屏風黏去忽看澹日掛林端
有似飢腸逢飢饜博羅新令來打門便挈登舟泛晴灩湖
天一碧潑鮮新光與遙山互磨閃細鱗旋烹湖上魚故鄉
風味知君念探襟示我贈行句春明舊雨紛鉛葉就中小
巖及芷塘大張旗幟樹壇坵憶同走馬天街時揮毫各有
千丈焰星離雨散十年來何能濕沫常喞噉平生足跡半
天下風雨羅浮吾獨欠相逢未穩又相送惆悵雞聲板橋
店放衙燕寢擁黃紬率爾相尋知不厭會當芑屨荷鋤來
勾漏丹砂夜流艷

爲吾宗題畫

觴詠蘭亭勝林篁桐水清但教看畫卷已足見生平高樹

連蜷影飛泉自在聲端居應有會不是爲遺名

梁山舟前輩作書頗自矜重以詩丐之

學書但爲記名姓誰教點黠誇妍勁玉石有暈犀有通人之所愛乃其病先生慧業靡所遺臨池餘技尤天性微雲半吐春月低寥天一掠秋鷹橫遂令絹素排闥來鋏葉裹門難拒請邇日高齋淨掃溉酬應紛紛徑須屏那知難得世偏貴點墨價踰連璧瑩顧余縮蚓與縈蛇羅趙前頭名敢並差喜同時兩相值三宿無煩摹索靖徇知感惠且勿論氣潤風和倘增興爲余斐几拂麥光畱與他年作談柄

潘古三同年以選夢名樓并繪爲圖索題

人生處一世夢乃居其半夜寐而晨興誰真復誰幻無夢

惟至人因緣兩俱斷有心排遣之翻使方寸亂公樓名選
夢綺牕接雲漢石枕清風過紙帳疎星粲所選定何夢將
毋涉分辨由來無礙性神通出戲玩維余亦有樓遙傷夢
溪岸余家與沈村中夢溪相近白號夢樓得醒固自佳偶夢未為患猶記十
載前同夢霓裳宴光陰一彈指相顧髮俱蒜不知更十載
景物幾移換君自現宰官余自戀溪澗幽居亦非矯榮名
亦非絆長歌夢天謠兩腋生羽翰

戲題友人道服畫像

羽衣初著下瑤臺袖得黃庭讀幾回待向退之詩裏覓却
從坡老夢中來

為陳澂之題過江圖卽以誌別三首

人生容易別瞥眼十餘年訪我清江上開顏渌酒邊登臨
酬夙願婚嫁畢塵緣激之第三子杲就婚余家夜夜挑燈語幽懷總未
傳

落拓棲蕭寺沈酣戰棘闈相看如昨日回首但斜暉五岳
期應在三廳路轉違激之官翰林時余已外補京華盛遊舊耐久似君

稀

浩浩長江水青天晝夜流笑君何戲劇一葦作輕舟圖作乘葦

渡江狀卽此人間世能爲物外遊請看江上月到處十分秋

顛道人墨筆秋海棠

道人洒墨碧烟空一片秋光寸幅中只寫山家岑寂意不
教紅淚染西風

冬日浙中諸公疊招雅集席間次李梅亭觀察韻

四首

風和鈴閣篆烟微
公退高齋省吏稀
剩有江山堪作供
肯教絃管久生衣
青樽分座邀春色
紅葉窺牕引夕暉
自有清言能益智
不須晨露吸薺薇

湖波到處接熙陽
勝賞重開有美堂
官舍別成文酒國
民風好是稻魚鄉
池含細穀搖鬆几
幔捲晴巒落羽觴
却話春明當日事
瑣闥多半舊含香

幾年多病臥江東
偶看西湖向晚楓
野客鬢毛侵領白
名公旌旆被山紅
簿書不礙詩筒並
簪履偏教布褐同
讀罷新篇轉悵悵
難將綠筆和文通

稗畦樂府紹臨川字字花繁柳絮牽芍藥欄低春是夢華

清人去草如烟

時演牡丹亭
長生殿全本

天畱餘暖資調笛酒到微醺

更擘牋雅集西園真不忝倩誰圖向竹風邊

聞茅耕亭改授庶常戲東師艾

桃花汗血舊曾論

余前贈師艾
詩會有此論

轉眼青霄果致身老鳳定

應低首服相人也九方歎

徐補桐先生招集署齋卽席以愍字爲韻

補桐先生
先有

句云詞人低唱猶含媚公子狂
呼已放愍因同以愍字爲韻

同沈雲椒侍講茅

耕亭沈蘆士兩吉士李滄雲章桐門兩舍人楊澄

齋觀察姚米山太守

雨過吳山蔚遠嵐衝齋折簡盍朋簪池邊促坐人逢九

會者

九酒畔畱春月閏三橫笛偏宜桓子醉

時耕亭吹笛復度曲

折花不

礙寶兒愁主人合是風華首暖玉溫珠性最語

舊雨都門別恨含重占星緯聚東南畫堂羯鼓催浮白絳

帳詞人半出藍

茅沈兩吉士章舍人及文治與先生皆有師弟淵源

芍藥倚燈方婉

婉梨花帶雨倍嬌愁歡場自笑風懷減彌勒年來共一龕

戲題彭賁園擁書圖二首

墨綬銀章偶宦遊東南百里古諸侯問君當日專城樂何

似而今萬卷樓

曾聞修史擁朱顏銀燭金釵列幾班却笑詩人太寒儉掌

書一箇小雲鬟

圖中有飛人侍書

記錢香樹尙書題周海山司馬渡海詩冊後

隨槎萬里跨鯨鼈私喜當年意氣豪讀罷詩篇重感舊尙
書老筆挾風濤

見熊紫田遺像感而有作

君古循吏儔日計如不足八年海東隅閭閻被休與神竈
占方來仙鳧去何速春草碧生庭落月寒照屋篋中寄我
書淚下那忍讀

題潘握筠仿米家墨戲幀子

米老烟雲墨戲圖不分竹樹但模糊吾家一角圖山色擲
向秋江及得無

次韻奉答祝芷塘京都寄懷之作四首

百圍曾是撼風潮凝下而今尾半焦博望寒槎橫海口庾

家枯樹頓山腰渴懷欲吸三危露別恨難傳九點霄勲業
故人方煥爛小山雖好不相招

朋簪京邸破羈孤人海居然似五湖詩酒壇場集元李神

仙眷屬綰劉盧

芷塘爲余與雷雷峯聯姻

閉門自入如投市仄巷相尋

類索逋幾見東華朝散後藥欄三日暫離無

天風容易散鷗盟蒼狗雲衣屢變更官去衡陽鴻雁影

謂小

巖客歸蜀道杜鵑聲

謂雷峯

貧交失意多岐路野老投閒只

面城不是才人能念舊肯將書札下瑤京

疎散襟情與病宜沙鳥常睡鶴常飢泉因好潔出山懶雲

爲貪閑度嶺遲大抵升沉原有數此生會合豈無期逃名

終擬深林去縱是君來未遣知

客有繪冶春詩社圖索余題句者見而有感因賦
是篇

漁洋司李揚州時羣推風雅之總持畫了公事夜延客銀
燈官舫同敲詩脩禊紅橋值春暮冶春半格摘新詞方袍
老仙年九十

林茂

兩朝文獻良在茲賓客滿堂况才傑瓊

霄咳唾飛珠璣海內喧闐傳盛事百年流韻江之湄公之
鄉人都轉司揚州兩度旌麾持經籍餘波宗子幹歌行舊
格作公垂公暇依然燒樺燭四方名士紛馳逐紅橋重葺
舊亭臺十里朱闌臨水曲人謂雕龍好未真我惜餽羊朔
猶告荒塚寧無季札過長衢尙有伯喈哭卽今天恩殊
曠蕩同累諸君盡湔沐紀

酌

徐步

域外明駐還王

漈趙哲

軍前故官復嬉春前月宿揚州繞郭春波似昔流垂楊綠
遍紅橋岸懷古懷人並白頭

送戴東原赴 詔入都

我 皇右文古無匹 詔求遺書搜散佚維時四千有餘

部先後盡向民間出天府璆琳本駢列窮海珊瑚尤鬱律
宏開四庫簡朝英簪黻承明操不律猶恐殊才未盡登還
於草澤招遺逸乾隆三十八年春煌煌徵書下蓬蒿士林
喧闐走相告曠典希逢笑聲溢我友新安戴夫子康成王
肅不足擬言從小學訂几將融會遺經貫終始天官風噓
馬遷誤地形不勞章亥履名動公卿三十年却視金紫如
脫屣昨來碎石首標名懸官印門促行李古者達人無不

可軒冕邱園同一理矧茲盛事近代稀君當一爲 鄧隆
起紅芙山水蘋風清逢君西湖倒玉餅高松謾謾晚山黑
楊柳漠漠澄波青不須苦戀蘅杜馨卽看雲路翔修翎他
年乘傳廻駟馬故人正臥南牕下

題蔣茗生前輩四絃秋新樂府

古樂秦漢已淪佚中聲在人今不沒審音易而作樂難此
語吾服西洽逸

吳西洽名穎芳杭州布衣精於樂律著有吹竽錄

堂堂蔣侯起豫

章奇句驚天卓天骨餘技能爲樂府辭宮徵咀含發古質
空谷蘭揚幽闕芬霜林桂傲陰崖茁

茗生有空谷香桂林霜樂府二種

協

律今見夷夔才傳奇却借范班筆挑燈偶誦琵琶行潯陽
遺事從頭述名倡遠嫁辭青樓才子南遷望紅日元和戲

亂時尙隆樂天敢言道非屈誰教白璧被蠅點始信朱顏
入宮嫉茫茫荻花江浸月船舫無聲四絃歇莫怪江州泣
下多多情原自忘情出休官余亦臥江干四十四年霜鬢
殘按年譜自公作琵琶行
年四十四與余適同臨風聽徹銷魂曲那免青衫淚
暗彈

胡雲坡先生有侍史善畫花卉爲題卷端

米家卷軸重璠璣剩馥還沾到侍書畫譜他年添故事先
生奴僕命周徐

重陽後一日增履巷方伯胡雲坡廉使偕保礪堂
叅鎮見過寓齋遂同遊虎阜二首

迢迢旌旆出層城旅館難爲掃徑迎前輩愛山兼愛士重

陽宜雨更宜晴門過碧水心先澹人對黃花韻自清不爲
登高酬令節喜看農事報秋成

樓閣參差倚夕陽石壇散步古苔黃新聞紺宇王珣宅時

葺虎邱塔
廟落成疑對藍田崔氏莊紅稻千村含重露丹楓數點

染微霜歸途祇候休燃炬皎月娟娟出上方

題陳廉公畫梅爲胡雲坡廉使

沉沉鈴閣儼山家一縷名香一盞茶清況卽今誰得似紙
牕和月展梅花

大恆開士自寫南屏放叅遺像其弟子佛裔丐題

西湖啓道場南屏隔人境花氣欲侵牀鐘聲時度嶺我師
住世時閉關習禪靜放叅偶經行妙悟惟獨領松風無心

來蘿月相與永於何辨色空倩誰評暖冷鶴蛻山畱銘雁
過水騰影非畫亦非真學人請深省

方伯署中觀燈射次沈雲椒侍講韻

令節春風過試燈繡棚金埒各程能玉闌宛轉廊通月鈴
閣清嚴暑擬冰坐對梅花成一色曾穿楊葉幾多層夜深
絲管圍銀燭疑見龍宮寶燄騰

題家庶堂觀察老馬戀棧圖

滇海相逢初羊腸共盤馬籌邊馳羽書看君真健者一別
成十年杭州袂重把九重方倚毗移節嚴灘下君髮半
蒼黑君懷轉瀟灑華廡非所營素練聊自寫從來神駿姿
霜蹄躡平野驂駟老識途追風颯屋瓦後豆何足云胡乃

自嘲罵須知惠養恩垂白終難捨願我病東郊
骸骸塵沒
蹀惟餘瘡啄烏無復汗流赭望風長鳴嘶羽翼問誰假

除夕遊西湖次韻

湧金門外喚舟人歲晚偷閒客裏身
杯酌香醪聊餞臘
舫迴柔浪似迎春湖山清遠攄懷舊
花柳媽殷儆眼新誰乞
孤山三畝地與官長作納租民

送楊澄齋觀察旋東甌署因題於畫卷

京師本人海酬酢如流水平生肝膽交亦復出其裏
憶君守蒲州入覲來
帝里相逢卽相親
沉飲夜繼晷悠悠十
二年離思阻參觜
夙昔所交親
夢寐每依倚
愛而不可見
何處託雙鯉
自余碧雞還
垂釣江之涘
中朝舊朋儔
分隔

雲與萍偶作西湖遊湖水清見底對之閉門居晝臥呼莫
起君從何處來剝啄聲不止開門認須眉疑定始能喜君

豕闕閱門世業旂常紀小小爲望郎丰儀最嫺美泊乎一
麾出惠政春波瀾主恩念舊深官考書上綵驄馬涖東

甌山光照衣馬訪我湖水濱騶從屏弗以歡然道夙懷談

諧雜謠俚畫角動高城斜陽上髣几自茲過從頻十日五

倒屣附喬倍關情余與澄齋新
有葭莩之誼恃舊輒忘禮今年重聚首

賓館居同址九十日春光過盡猶嫌駛君有製錦才而不

棄麻臬君有調鼎才偏知菜羹旨官貴志逾下別久交如

始忽聞唱驪歌悵悵何能已手持通靈畫邀我題寸紙由

來置邱壑君亦頗宜此却思京邸時曠劫一彈指懷袖盈

馨香贈君以蘭芷

方伯移駐甘肅詩以誌別

茶蘼吐芬紅藥茁孟夏濃陰暗層樾 天書北闕降紫泥
方伯西涼移玉節公昔初從山左來馬蹄未駐民先悅暖
律熙熙谷是春深恩浩浩潮如浙日余偶泛西湖舟青笠
芒屨白布韉哦詩閒學蟋蟀鳴作字戲撫蚯蚓結那知江
海善容納偏是菲封邀采掇每看運腕擘銀鈎時聆揮塵
分瓊屑雕弧大羽青楊穿豪竹哀絲白雲遏忽然萬里移
旌麾廻顧三年一飄瞥日出潼關四扇霜夜涼榆塞千峯
月此邦明公舊所部重臨故老歡難說隨車攜得錢江雨
褰帷融遍天山雪鸞鸞祖道信壯行鷗鷺忘機仍戀別平

生薄海半遊歷獨有雍垠失攬擷酬知柰已就樗散懷古
還能竄喘嶮待攜橫笛玉關來一和高吟庾樓發

題也宜樓二首樓在西湖之北查香雨別墅也

花上春風水上秋三年愛倚也宜樓微波遠草昏如醉衰

柳斜暉黯欲愁紫燕梁間知戀主碧牕天際似歸舟月明

記得來相訪手炙銀笙教務頭

香雨蓄
有家樂

初白風流今在茲

香雨爲夏重
先生從子

湖山勾管例須詩施王合

訂東坡註

夏重先生舊輯蘇詩補註今香雨
復合訂王施查三家註都爲一集

洪孔新翻北

部詞

王特選詩勾欄爭唱
孔洪詞謂東堂稗畦

百尺非關於意氣三層只愛近

漣漪烟光昨向樓頭看久雨新晴倍覺宜

方伯將之甘肅離筵頗設別緒轉增同人再用愁

字韻贈行二首

垂楊官路接烟嵐馬首峯攢碧玉簪遠道兼行程有萬深
卮情話漏逾三歌因惜別聲彌婉花識將離態倍憇見說
臨洮寒色早餐眠珍攝諒曾諳

無邊草木露珠含有脚春光北自南美政頻看鑄翠壁新
詩多半寫雲藍銅符故吏握衣肅竹馬羣童卣角慙還有
杭人懷舊澤香盆頂祝普陀龕

陳望之觀察閩中途出杭郡訪余寓齋卽同遊西
湖舟中夜話連旦別後却寄

老夫貪睡曉不醒忽聞剝啄喧柴荆當關報道貴官至一
笑故人仍故情相看且不問寒燠但問西湖遊屐熟便邀

同買瓜皮舟雙槳聲聲敲冷玉西湖一碧涵虛空君之性
靈良與同前湖後湖來往遍林梢不覺斜陽紅舉杯少飲
便成醉醉餘各道相思意尉陀臺下秋海陰諸葛營前春
柳悴雲南缺壁關外
每有諸葛故營余既休官理釣竿君更高旻刷羽翰
優詔乍辭丹鳳闕嚴程欲過仙霞關憶向京師充貢賦君
方韶穉如瓊樹詞壇宦海廿年中如此流光等閒度前年
令弟激來潤州十句共作江皋遊兒女長成已婚嫁令姪
就婚
家名山夙願徒悠悠舊懷新恨那堪說起視湖心正明月
清光隱空露氣寒歡悰未愜將成別別來忽忽又殘春彈
指前遊隔暮雲湖隄草色濃於酒江上楊花愁煞人

雨後泊舟

午景正煩熱雨過暑却迴舟依綠樹泊牕對白雲開持麈
蠅先避垂竿魚欲來遙看帘影動知是賣村醅

家姪蘭舟以秋燈夜盟圖索題因憶余揚州讀書

時與陳組雲製錦嚴東有明長夏芝三連之徐蒸遠雲步俞

耦生大謹鮑雅堂鍾之劉樸夫謹之存子種之昆仲家少林

嵩高凡十人結社聯吟依依如昨日事也撫今懷昔

得絕句二首

香燈小社在揚州玉笋班行第一流那得而今不相憶老
夫白髮已盈頭

當時十子八登科組雲早世耦一別春明廿載過莫怪阿

咸增悵惘少年同學也無多

過金壇

不到金壇僂指廿餘載憶年十二三應試棹初買

學使行署

在金壇縣

時如出籠雛縱翼尋爽塏攜朋展遊賞遇景留題每

居然成一囊瓦礫雜珠琲自信不足傳棄之聊一唉維時
何所期及第荷衣掛但識慕名場那知驚宦海星霜漸裏
移容髻暗中改亦已珠榜登亦已金門躡亦已一麾出亦
已三仕罷榮華昔何增竄退今何悔舟行望城郭雨後轉
瀟灑墻衣垂薜蘿水花含蓓蕾茲邑素寒陋生計恃稻蟹
偶聞插秧歌煩襟爲之解依依舊遊處默識宛然在少壯
自難阻江山本相待遙指三茅峯仙藥倘堪採

初抵溧陽寄秋雪菴

與君爲弟昆又復締姻媿追攀二十年沐濕交相借君性
最高潔俗客閉門謝解頤黃河澄舉足白茅藉余懷殊潦
草枝榦互樛榘同塵而守黑汗節任嘲罵君實狷者流余
似狂之亞相反如水火相需若冬夏京南憫忠寺過從晨
達夜高呼衆僧恠失眠懶僕怕中道一乖分萬里足悲吒
寄書雲叫鴻懷人月臨榭邇來各辭官村居儘多暇如何
日復日徒使前期蕢今年暮之春深綠暗桑柘君男旣當
婚我女更當嫁甫能一相就扁舟詣君舍爲余餽肴饌爲
余具輿駕存問遣臧獲道路紛迎迓君本澹蕩人瑣屑胡
自下知君出肫誠多禮定非詐顧余屛拘檢倦馬鞍久卸
況與君別來鬱積待傾瀉百兩儀已畢焉用文貌假樓鞋

叩君門握手笑言麥

雲坡廉使每歲署齋牡丹花開邀客遊賞賦詩今
春忽有紫色一株不種上而生同人以爲希有賦
詩尤盛余客杭州未與斯會補寄二詩

廉使南來冰作衙唯憑詩句鬪清華會邀天上神仙侶共
賞人間富貴花紅粉千叢皆帶露紫衣一朵獨凌霞從來
瑞草原無種譜入羣芳又一家

領袖緋青近瑣闈不同凡卉競芳菲吉祥院裏色應滅崇
敬園中見亦稀遠道但傳元相畫

白樂天畫木蓮花圖寄
微之會以紫牡丹爲此

余未見花而
見畫故云當筵真稱魏公圍題詩寄向朱欄畔可許天

香染布衣

夢樓詩集卷十二終

夢樓詩集卷十三

丹徒王文治禹卿

洮河集

乙未春爲關中之遊遂乘興至臨洮古今體詩六十

六首

過商邱訪陳澂之八首

梁園不速客千里叩朱扉老馬衝寒走閒鷗任意飛江湖
遊已遂雞黍約寧違欲識君情切迎門未整衣

南國詩騷藪東林鉤黨門文明於此闡氣節至今存城歷
平原迥天低古木繁蒼茫千載意容易對牀論

過江如昨日倏忽越三年杖屨蓮峯雨詩揮海國烟孟韓
原似駢李郭望如仙相送邗溝上雲帆暮杳然

投簪余最早君亦暫辭官正好依邨社相將把釣竿
羈栖生計拙貧賤歲時寬渾忘層霄路翱翔鷓鴣與鸞

兒女情偏摯依依出小樓抱孫君有福得婿我無憂
臘酒黃於染春蔬滑不畱故交兼戚誼絮語夜難休

書畫千狐集封題七寶裝披尋嫌日短辨證願宵長
北苑畱真蹟元功接混茫家珍茲第一挂壺起虹光

年少疎狂興相逢解佩刀卽今霜雪色各已上顛毛
紅燭催銀管黃塵拂布袍惟君知我久憐我不成豪

足跡半天下中州今始過更須登華岳還復渡洮河
春色榆關迥秋雲隴首多來朝揮手別相望意如何

許汝道中

西來一百八長亭興廢中原此慣經
汝水魚龍春浪迥許都宮觀晚烟冥
苒苒穉麥鋪新毯黯黯遙山染畫屏
太史宵分占象緯荒城何處草堂星

望嵩高山

千里中州始見山嵩高引領未能攀
風塵而壁嫌遲暮貧病休官是等閒
五岳原期婚嫁後百年分老水雲間
臨流自愛蒼髯好不用靈苗遣駐顏

函谷關

兩山插雲霄一峯當門戶孤關扼其下
百尺鑿扁固鷹隼飛却迴驂駟愁失步
東來盡平衍至此訝無路入關途更
隘方軌恐難度強秦昔恃險要害於茲據
一夫足嘆哨九

國况允豫由來得地利天意亦難违清時罷泥封仙氣常
紫霧願受五千言嵩華躡屐屨

潼關

日出萬山東關壓大河上洪波莽洄瀾積雪森混漾戍樓
飛鳥驚雉堞孤雲傷氣若吞梁韓勢欲逼氏亢秦中天府
區鎖鑰信雄壯人代遞有遷山川屹相向漢唐征戰跡故
老何處訪策馬入關門風前一惆悵

華陰廟

白帝闕靈輿紫庭啓宏敞建基自何年歷代肅禋享雙闕
凌秋霞鳳樓挹朝爽洞門窈而深月擘迤以廣豐碑步檐
齊像設重堂朗皇居擬崇高神馭時恂悅繚繞萬喬林不

可計尋丈攫拏風鏗韶蒼翠露凝沆逢逢禹鼎雲肅肅漢
宮仗盤根互抱戴接葉寄生長就中青牛樹瘦惟絕名象
或云化文梓山精逞妖罔或云柱史過於此憇征鞅摩挲
拂苔蘚懷古增慨想翻嫌漢唐近周秦一俯仰最後搆傑
閣繡拱干霄上平視華三峯呼吸如答響層巒鬪奇險羅
立指諸掌憑檻爲開襟古青洗塵埃

登萬壽閣望華山

華岳天下奇巒岫逞百變三峯矗雲外茲閣當其面拱手
羣峭朝舒臂巨靈現落日蒸爲雲古雪積如練咫尺青蒼
飛倏忽紅紫眩其後枕大河玉帶繞秦甸混茫銀漢接一
氣誰能辨平生海山遊絕域迹頻踐河岳相磅礪壯觀特

未見安得臨絕頂眞源尋討遍餐霞忘歸來冷然御風善
雪中過灞橋

雲裏春城玉屑鋪灞橋新柳綠如無青衫紅笠騎驢過牽
引吟身到畫圖

贈畢秋帆中丞

故人開府天西隅雲中鼓角搖旌旗荒江有客捭衣裾數
千里外脂柴車昔年並登白玉除揮毫對策神敷腴一日
聲聞傾京都公年方少余亦俱得暇相覓同追述同輩諸
子才所儲周之簠簋殷六瑚高樓聽雨夜漏徂文戰不啻
操戈及時復歡讌盡百觚絲豪竹脆歌烏烏青童侍傍玉
不如五載出入承明廬忽然天風起太虛星離雨散纔斯

須賢豪難聚信有諸自余出守蒙段區大羅仙人半索居
公亦銜命來馳驅玉關楊柳榆關榆公之雅量江海湖公
之清操霜雪孤公之惠政春雨蘇所部士民咸歡呼維
帝倚任心腹敷三秦天府授玉符我朝拓地二萬餘風
來寔往通輓輸公之指畫合聖謨士飽天庾馬飽芻曰
余休官臥菰蒲漁舟泛泛似野鳧足跡不向城府趨迫隘
欲使襟抱舒相思命駕輕長途公見狂喜掀吟鬚連宵召
我倒玉壺追敘往事爲歡娛憐我落拓汗泥塗竟欲以口
相煦濡自公鄉舉直中樞旋擢大科校秘書迄今巖疆揚
令譽惟公無改於厥初一貴一賤交態殊如公古誼近所
無噫吁嘻由來古誼近所無

平涼道中遇雪

隴頭三月雪客路始知艱
關塞含陰氣衣裘犯曉寒
草痕青復沒山勢白逾寬
迴憶鄉園裏鶯花半欲殘

甘草店見杏花

百里寒溫異單車道路賒
青嵐山上雪甘草店前花

題畢秋帆中丞靈巖讀書圖五首

靈巖山下館娃宮
羅綺笙歌醉晚風
不道千秋塵劫換
讀書聲在月明中

昔年同作上林遊
露滴紅梨對校讎
話到鄉園風景地
五湖烟雨入瀛洲

轅門雙列戟枝寒
風味仍將措大看
倦僕倚屏猶把卷
誰

言節度是粗官

萬峯寺曉湖波綠兩洞庭秋木葉黃偏是童時遊釣處直
教頭白也難忘

琉璃千頃玉無塵愛煞靈巖浩蕩春一任郎君官貴後頭

銜還要署山人

秋帆自號
靈巖山人

方伯署齋試碧螺春新茶次韻一首茶產洞庭山

胡雲坡廉使所寄

鄉園五千里風景常回溯羈愁花合知離恨鶯能訴春遊
饒勝事遙羨欲成妒山塘原酒海洞庭亦茶庫譜豈君謨
編賜異子瞻顙龍井尙輿僮何論官與附

蘭州官設茶局
有官茶附茶之

名細蒞泣微雲嫩葉卷輕露嘉名錫碧螺小酌消饜餽臯

夢相言身
卷三
三
蘭邊微地久被熙陽煦文明漸及肩物產難學步衙齋華
正華苔徑雨初雨朋儔旣簪盃卷軸還棋布茗會沸新泉
以代清暑賦淨淥注定甌纖塵不可污炎天一入口有似
農逢澍遠道誰封題罷飲翻愕願平生爲口忙獲此亦前
數初傾鍾乳滴久沃雀舌吐舊醅陋浮蛆白藥勝寒兔依
公忘逆旅亦復盼江樹歸家應採寄日暮呼春渡

題畫雜體詩五首

海棠

百舌學鳴鵲送喜瓊閣美人朝未起斬新幾點濕臙脂透
入碧紗簾幙裏游絲千尺搖晴空春光浸水天溶溶憑誰
爲向東皇說莫遣封姨掃紅雪

竹

楊柳無花也覺春竹枝清瘦倍宜人
新梢初展露華重
半欹斜向水濱

藕

郎愛藕花色儂愛藕根絲藕花有開落藕絲無盡時

蓮花

宿霖將收處朝光欲透時
淥波梁帝賦初日謝侯詩
白鳥立還去朱闌影不移
西湖西畔路十里香風吹

雁來紅

塞上舊聞紫凝去霜華新染紅
依稀金谷春艷閃爍東籬夕暉
冠劍丁年蘇武旃裘辛
苦明妃誰念清秋隴外征

鴻聲裏思歸

阜蘭秋望

長城廻繞大河遙莽莽雲天正沈寥絕塞尙傳秦郡縣奇
功會識漢嫖姚征鴻中夜霜千里牧馬西風柳萬條羌管
莫吹離別曲江南詞客鬢全凋

秋九月雪後懷伊霄山員外侍其尊甫信亭總制
之西寧

馬首點微雪征人意若何陝關寒色早湟岸夕陽多元老
勤綏遠吾皇重止戈歸期聞已近渺渺望長河

杜甫趨庭日陳琳倚馬才山連沙磧迥日傍大旗開離索
聞歌板登臨憶酒杯瓊廳新月下親待掃眉來

香山新
納姬人

白雪樓看紅葉蘭州紅葉皆梨樹所成樓前梨樹

最多故紅葉盛焉

梨花帶雨白梨樹被霜紅春暖攢晴雪秋清染晚風河橋

疎柳外山寺夕陽中烏柏錢塘岸千林訝許同

錢塘江上紅葉最盛

皆烏柏樹也

過策筠亭都督署齋畱飲遇雪同景抑菴二首

偶來西鎮將軍第却似東籬處士家滴露靜撫新獲帖傲

霜猶有未殘花杯傾柏葉初嘗酒鑪響松風自煮茶話到

江鄉最佳處紙窗紅日漸西斜

抑菴生於潤州道鄉俗最悉

忽然天半匝層陰六出橫飛蔽遠岑著樹盡成名畫本灑
臆微中古琴音知君未易逢佳客卽景偏能稱野心試把

一樽憑檻坐乍寒風味引清吟

河橋

萬里河源瀉大荒橫空忽此架飛梁天教絕域通琛貢地
自中原拓版章百雉秋高臨岸迥蒼龍日落臥雲長奔流
遙想東歸海一線銀濤接混茫

得宋小巖書却寄

雁度天山月向低河源高與野雲齊尙勞朝士殷勤問知
我飄零在隴西

冬日陳秋槎以詩見柬晚步雷壇次韻答之

朔雲凍合大河寒重疊衣裘尙覺單覓得清癯好詩料
烟斜日上雷壇

哈密瓜

果中有離支瓜中有哈密前朝版圖隘佳產何從悉

蓮花菜

菜根好滋味滑膩欲膠牙朝來再三嚼口吐青蓮華

青嵐山與陳秋槎話別

一月青嵐雪未消相逢俱未拂征袍天涯誰耐銷魂別逆
旅權爲對酒豪歸夢遠縈湘水碧孤城橫壓塞雲高循良
會有承恩地珍重君家舊鳳毛

涇州道中杏花

晨起陰雲合徐徐透日光杏花紅復白故故傷垂楊密蕊
全遮屋高枝半出墻征衣未忍拂曾惹暗塵香

途過平涼稽晴軒學使方扁院試士未獲通謁承
晴軒以詩見投次日畱飲別後次韻却寄

罷郡以來汗漫遊十載歲月如波流爲向關中訪故舊乘
興又復踰隴頭君持使節先至此岐塗欲見嗟未由今春
東歸過涼邑君方鎖院兵衛周海風縹緲隔蓬閣星漢清
淺阻女牛彩雲飛墜廿八字艷於春卉清於秋翼日白袍
立鵠散舉杯深夜招羊求論文話舊乃真樂外此瑣瑣皆
蚍蜉爾時風利不得泊直欲傾倒千玉舟明朝病酒亦不
惡懷人且喜渴疾瘳

邠州

東髮誦邠詩如入化人國只疑淳古風縹緲不可卽豈知

作西遊來往還憇息容刀不可見疆理猶曩昔柔桑欲親
人夕陽宛相識余從窮邊來朔吹捲沙磧忽聞鳴倉庚於
焉快胸臆

萬樹梨花開廿里天桃發乍經白雪堆旋入紅雨窟中復
有垂楊前縈而後拂菜花繡毯鋪皇澗鳴環歇暮烟開更
合好景爭倏忽晉人稱桃源方茲恐見詘因之書所見用

補周詩闕

何處一巨石磕焉墜空中却疑媧皇時驚破青鴻濛鑿爲
古先生閃鑠開金容是身如須彌丈六焉能窮相傳自唐
代歲久亾勒崇其上立積鐵其下阻危峯苔花古劍繡赭
壁餘霞紅最高建小閣擘窠書國風惜哉就傾圯懷古心

忡忡

渭濱待渡

春風生渭水春樹繞秦城斜陽貪久立爲聽棹船聲

馬嵬驛

將軍仗鉞意如何自古興亡等擲梭直得玉奴身一死至今人識馬嵬坡

傳硯齋詩爲晴軒學使作

硯爲晴軒之曾祖永仁公所藏傳之四世矣永仁公與浙閩制府范公同死耿逆之難者也

平涼逢君住鎖院飲我美酒示我硯此硯曾經四世傳襲以重錦裹以綿蛟龍深護紫玉膩星斗倒映朱霞鮮君家

奕葉盛簪紱建禮三朝瞻闕闕槐市沙堤啓相門蘭池典
午懸卿月佩聲君復入瀛州第四廳前鈴索收奏賦每鋪
丹陛下揮毫多在玉墀頭文星自遠騰光耀累世硯田長
食報人言華國在文章誰知陰騭由忠孝當年閩海躍長
鯨節制孤忠志作城幕府有人同授命鋸牙鉤爪魄先驚
憶余福州州裏住烏石高山曾仰處合傳同時光汗青崇
祠對峙封煙樹更看遺硯重瓊琳古氣穆穆聲懜懜龍門
燒尾不能失君舉進士時攜入
禮闈失而復得鬼物呵護明神欽摩挲再
四心如結頓使吾曹增氣節逸響如聞中散琴精誠真覩
侍中血願整衣冠再拜虔此拜不比南宮顛

西安旅次送畢秋帆同年權甘肅總制二首

秦中風物正芳菲去歲來過今歲歸
花隱杜陵春澹澹柳沿渭水暮依依
故人綏遠移旌速上將功成擁傳輝
時金旅客偶然逢盛事酒痕幾度染征衣

高樓聽雨十年前早結多生翰墨緣
樹記玉堂曾共植詩來鈴閣得重聯
休猜子美依嚴武仍是襄陽伴輞川
若到金城勞見憶畱題多在五泉邊

驪山

驪山山月樹參差會照開元合樂時
不道當年青瑣影而今移在野棠枝

雁塔

浮雲何處來飄向關中路徘徊似有
待雁塔畱之佳斯塔

建何年靈蹟夙所著嵯峨起龍象煥
州被丹堊諸天以花
成大地用金布有唐重科目得者貧
黎富慈恩與曲江尋
春鬪歡釀看花馬蹄疾賢達亦學步
題名擬千佛行道爲
稱慕繁華有銷歇俯仰成新故廢寺
鎖蒼苔貴游渺何處
白日墮城隅風颺颯然暮唯餘褚公
書摩挲不忍去

灞橋送伊香山

望河樓上醉金卮重向青門折柳枝
他日相逢難忘却灞
橋微雨送行時

卽事

鎖兒妖麗狗兒憨色子韶年黠慧叅
擊筑聲中齊勸酒者
般風味勝江南

太素宮

岳麓草芊芊，仙壇鎖碧烟。
雲寒禽跡少，露重藥苗鮮。
流水有宮徵，脩篁無歲年。
偶然翹首處，濕翠正黏天。

玉泉院

希夷潛跡處，亭子至今存。
院中山菴亭陳希夷所建
玉髓流爲水，雲根壘作門。
丹經雖有訣，元箸豈闕言。
便合遺人事，于茲訪道源。

函關晴望

關外斜陽宿雨收，嶠面自古鎖神州。
城臨官道晴如畫，樹隱人家遠欲浮。
西望雲霞層嶺出，南來日夜大河流。
彈丸一點中原地，千載英雄競未休。

白馬寺

秦皇焚書儒術燹漢帝焚經梵典傳
澗翻三藏十二部四十二章嚙矢先
迦文成道舍衛國聲教遠與中華隔
胡爲寒暑數百里躡雨披霜達九譯
方袍圓頂儀容詭白馬翩翾憩郵舍
將毋秦漢大道微天遣空門補王化
獅王象王像設新不脛而走遍八垠
法輪欲作霹靂響區區杜撰何足云
我佛神通絕思慮優曇一現豈常遇
但令真教畱人間蘭騰依舊騰空去
洛中幾回王者都兩宮雙闕今有無
覽古惟餘荒寺在蒼茫獨立日將晡

雒陽

清明時節理歸裝仲夏方成抵雒陽
乘興遠遊秦塞險多

情懷古漢宮荒雨晴嵩少雲猶濕夢破金焦路正長閒向
川邊吟舊賦風流誰是魏陳王

問宋小巖重授編脩却寄一絕小巖曾官至洗馬
騎牛我已爲田父洗馬君原是璧人清秘堂前巢燕去看
花休憶往年春

夷門

勿讀信陵傳深銜養士恩春花落梁苑白髮過夷門知己
足千載許人惟一言賢豪不可作悵望古中原

周韻亭司馬招同陳澂之汪樗亭凝翠舫小集聽
家姬合樂

衙齋竹木清且幽曲廊凝翠翠欲浮捲幙銀燈出紅袖入

破一聲雲不流主人新詞戛金玉辨羽咀宮諧竹肉樊素
能歌白傅詩小紅愛唱堯章曲就中翹楚名翠翹翠船花
面楚宮腰半啓朱唇調玉管輕舒皓腕撥檀槽梁園過客
身如寄抖擻征衫恣遊戲閑將文字證禪那兼以音聲爲
佛事痛飲官街漏鼓沉起看皓月當天心微風不動翠響
寂露滴梧桐太古心

商邱贈汪樞亭明府三首

延劍合龍光雜鐘應鳧響氣類使之然感召匪名象矧余
同年友夙昔結遐想去年過商邱不見終悵悵合并當有
時孟夏綠凝幌論文心纏綿懷古意蒼茫歡譙浹三句酒
樽覆諸掌一事翻惱公頻頻繫歸鞅

授簡入梁苑賦詩登吹臺古人不可見今人還復來玉堂

有散仙

謂激之

儷君種花才奇音鬪韶護美玉堆瓊瑰把酒

祝平原落日浮雲開江南釣遊地鄉思同衰衰惟應把君
詩誦之日數回

聲音雖小道乃自性情發知音不知樂雖賢詎云達君家
羅小部綺案璆琳夏日夕輒招余商羽辨毫髮花間一倚
聲流雲爲之遏須知雅鄭分不在古今別從來不朽人恃
此衷腸熱酒酣忽縱言更及長生訣便欲御風游雲璈翔
紫闕

滁州

歐公吟賞地千載驚人思城在山環虎圍當雲起時稻梁

秋漸熟菱芡水偏宜太息殊方久鄉園興早隨

夢樓詩集卷十三終

夢樓詩集卷十四

丹徒王文治禹卿

快雨堂集

得前明董尙書其昌所書快雨堂舊榜爰於所居之
北構堂三間姚姬傳爲文記之所作詩遂以堂名志
余得董書之喜也古今體一百十三首

題快雨堂

三間復五架小築草堂成偶得華亭勝因傳快雨名檐花
留暝色窗竹送秋聲更愛姚夫子雲煙筆底生

落梅

春來三日雨忽到落梅時無復牕前影空餘竹外枝天花
原不著韶景最難持記向山中探籬門玉蕊垂

李樵南宅食河豚

淥水橋邊屋離懷酌酒論新潮漲江浦小市賣河豚盤飣
皆殊味風期真故園杏花疎影下坐久月窺軒

顧仲瑛寫生

玉山草堂客游戲爲寫生清露滋繁葩微風動柔莖想其
落筆時直是詩無聲良由天機妙非關擅多能

馬守真畫蘭

女俠金陵馬四娘吮豪猶帶口脂香臨風故寫湘江怨牽
引騷人一斷腸

明嘉興守都穆與諸名士白蓮寺倡和詩冊杭州
孫景高購得之仍歸於寺而屬余以詩紀其後

短簿捨家爲塔廟，髯蘇雷帶鎮山門。收將翰墨歸蓮寺，也與空王結淨根。

題吳穀人姚春漪諸君新年雜詠詩卷

小小新年心喜如，噉蜜先期儂指數。遙遙恐難達美服，製綺紈佳菓聚。榛栗檇蒲許卜夜，歌吹幾匝月邇來。貧與病瘡麻欲不設，况復馬齒增愈嫌。駒影疾撫景輒心驚，何暇追歡悅諸君。闕詞翰年富興方逸，搜尋風俗通補綴。小正闕讀之忽失笑，兒嬉如昨日。乃知春色廻，只仗詞人筆。安得倩青陽爲我染華髮。

道爲伶

會上瑤壇禮上清，至今能識步虛聲。眞符未要通靈訣，樂

錄先教注小名秘譜定從三島記織腰猶帶五銖輕吹簫
便有神仙福莫躡行雲返玉京

和謝蘊山太守遊禪智寺訪東坡送李孝博詩石
刻卽用坡韻

故人維揚守清如飲露蟬休暇出城府古跡披蒼煙波廻
虹橋曲苔封蜀岡顛禪智傍竹西炎璇坡書懸太白不可
作茲遊甯非仙置公古人中未知其孰賢小憇路傍樹酌
言山中泉暮鳥赴暝色秋花弄寒娟公詩繼曩哲賓從皆
翩翩遙知千載後視今同慨然

朱海客山長招飲寶晉書院院故米元章海岳菴
遺址也朱卽席有詩次其韻

琅玕清韻似良朋况值新梢綠髮髻酒興豪那因病減詩
才老却與年增山經宿雨嵐橫黛江受輕風縠卷水頭米
去人殊不遠未妨塵劫換阿僧

爲朱海客題三柳圖

我愛陶彭澤千古風期清仕旣非慕勢隱亦非逃名門前
植五柳曉露籠新晴遠交平疇風似借稚子迎先生圖三
柳擬陶數不盈亦復宰巖邑亦復辭世榮亦復樂酒德亦
復揚詩聲竭來海岳菴相與聯鷗盟飲酒不期醉哦詩不
期成三歎思古人悠然發遙情

爲洪秀崖題其先人曝書圖

家學詎云遠先型良在茲春風脩禊後夏日曝書時倒薤

分林翠燧芸向水披卽今懷舊德絹素重裝池

新晴平山堂看桃花二首

海日射波紅天桃千萬叢濕綠含宿雨香欲送輕風宋代
名山在隋家往事空茫茫懷古意寄向柳烟中

碧蕊兼朱萼迴闌更復廊沿緣湖水綠隱映菜花黃古寺
春燕閉遙峯晚翠涼司勛雙鬢改不耐對斜陽

讀六祖法寶壇經和程衡帆用東坡南華寺韻

初祖來震且教外開生面南能推魯人直入佛知見賢劫
去來今太虛過閃電壇經偶流傳亦恐文字眩蓮須火裏
栽鋼向柔中鍊神會恃聰明難免吾師譴我欲參曹溪白
足踏冰霰結習笑未除依然攜筆視

再讀壇經仍用前韻

無去亦無來無背又無面匪可聲聞聞難將我見見向上
古德雖機鋒掣霆電自非最上根定被淆訛眩了知無著
性是處皆可鍊文字有解脫吾師應弗譴杲日照幽巖於
何容雪霰莫問曹溪衣且蘸端溪硯

次韻和姚姬傳於朱子穎運使處相見遂同累日
覽揚州諸園館之勝子穎適閱工江上復連舟上
金山再宿焦山之作

同心久別離相見如望外迢迢十寒暑始獲茲良會晨興
衣袂接夜飲尊罍對開胸豁鬱陶撥翳醒盲瞶始知友道
尊益信斯文大揚州好春光渴欲展迨隘相從日日遊隨

意拉儔輩池館碧廻環花樹紅瑣碎文石蒸綺霞珍木卷
青旆逐香蜂影亂喧鬻鳥聲快所歷多繁華難以罄摹繪
金焦吾故山夙此數晴晦平生江湖願扁舟覓鰕菜矧逢
良友朋能不窮蔚蒼兼值使車暇中流午張葢城市苦煩
濁見山如出礙山靈亦愛客放志逞瓌怪海雲蕩天襟江
濤鳴地籟迴思少壯年恍惚隔人代往事鶴沉銘前塵披
刺帶名藍畱信宿侵曉還擊汰惟有月團團依然照清瀨

新燕

烏衣何處問前蹤涎涎居然會倚風碧水乍生烟浦外綠
楊無恙畫樓東卽看上下飛還怯試聽呢喃語漸工往日
輕狂曾記否粧臺銜出唾絨紅

鬢絲

禪榻今年坐破春誰知班鬢漸如銀面城久著閒居賦倚
劍曾沾絕塞塵流水照時增感慨茶煙颺處亦酸辛從今
莫把平原繡勛業應歸少壯人

謝潘握筠惠芭蕉

小齋新受北牕風一帶圍牆竹逕通分我綠陰三四尺朝
吟午睡在其中

新篁

花向春前盡篁從雨後新數竿柔有節一徑綠無人露浥
娟娟重風篩濯濯勻卑枝清韻足何必拂雲津

新荷

東坡詩集 卷一四
十里陂塘滿，纖塵淨不波。潭潭涵碧影，點點貼青荷。葉貯
雨珠少，光餘天鏡多。他時紅艷發，舉采意如何。

新蕉

素紙明牕外，新抽幾葉蕉。似添烟霧氣，便覺綠迢迢。預計
雨聲到，應知暑氣銷。裁詩謝溪友，分我伴無聊。
時握筠惠
我新蕉

新蟬

濃陰垂晝永，涼意到秋先。數里水傍鳴，一聲林際蟬。抱枝
身未穩，吸露韻初連。山客貪朝睡，因風送枕邊。

茅屋

水漲野舟橫，林深茅屋閉。隔岸兩三峯，杳如在天際。

送笠雙峯之上海

正好雞豚社相於父母邦如何舊吟侶渺渺去空江帆剪
吳淞半峯迷海國雙秋風桂花發待聽足音楚

五月十四日胡雲坡司寇舟中爲范埜君題畫二

首

雨過陂塘水亂流白蘋花外繫蘭舟幽人別有凌霜筆寫
出東籬一段秋

右菊

揚州郭外雨晴時邵伯隄邊日脚移記取扁舟相見處臨
岐珍重寫將離

右芍藥

邵伯埭送別胡雲坡司寇四首

當年奉命貳秋卿連舫江頭送遠征威鳳祇從雲裏見

甘霖仍向海中行叢祠古驛重逢地玉帶金釐憶別情

入都時於金山餞別

又向西風迴鷓首空瞻邵伯古棠清

容臺家世舊垂魚萬卷遺書與賜書校字每當晨露漉

哦詩多趁夜燈虛庭花晝午開金帶

公授少司寇之年泉署牡丹忽開金帶開

簾竹風清近玉除

署齋種竹顏日有竹簾

幾載衙齋留榻處涼蟾依

舊到文疏

竹馬香盈百萬家旌旗過處笑聲譁五年秋長國扉草千

里春隨驛騎花柏府至今承約法茅簷一向洗浮夸渥丹

相見顏勝昔誰道臬陶面剖瓜

東南詞翰盛三吳大雅輪曾隻手扶說士口如貪美炙論

文胸似貫明珠揚雄賦借輕風送庾杲蓮依淥水敷垂老
感公前席意渾忘身已返江湖

次韻李樵南清甯道院納涼

松迥雲氣深石臥星光煜仙家別有天雷春在巖谷清寧
養真地策杖沿溪泐屋繞紫琅玕檐棲紅蝠蝠此間一宵
住始覺塵駒速君本臺省郎軒綬謝徵逐棋具攜已頻書
舫遊恆獨今春結吟社佳句題滿幅祀杜展心香擬莊參
雁木因思好涼夜皎月留人宿惜未東招余相將混樵牧

陶節母詩

節母呂氏女文登諸生陶申士妻二十八歲而夫
亡無子撫兄之中子爲己子文登宰鄭維嵩爲立

傅子今官江甯布政使

登州之海淨練鋪其中月滿生明珠蓬萊之松勁千尺其

下靈芝煜五色節婦有嗣嗣必昌如彼前沉後乃揚孤雲

鬱作河岳氣冰蘭爛爲黼黻光陶母苦節人不識風雨破

牕常淅淅却將猶子撫作兒五夜燈青讀伴續幾年寡婦

空庭冷萬頃無波一古井幾年太學貧諸生書劍飄蕭泛

如梗幾年作宰冰雪清幾年出守朱幡行幾年開藩古秣

陵同時寮案手板迎可憐樹靜風不寧祿養不及供萱庭

補亾空誦蘭陔句表墓但草瀧岡銘孝子此時心痛楚往

事追思淚傾雨逢人便乞表節詩欲將綵筆酬辛苦淒淒

煨芋拾薪篇海內流傳成樂府

拾薪煨芋事見本傳續
閩中有編爲樂府者

茂

先重著女史箴中壘別成閨範譜西風落日寒秋墳我亦
延陵節母孫祖母吳以苦節著年行五十官不達白頭何日報慈

恩

綠竹引爲朱子穎都轉題畫

撫吾綠綺之鳴琴對君綠竹之清陰千竿萬竿攢翠色溪
迴徑複如雲深君寫此圖良有以少年落拓居燕市酒酣
倚劍黃金臺六合浮雲少知己佳人羅袖倚修竹名士飢
驅走窮谷天涯一例可憐人香草離騷怨幽獨十年不見
君容儀君忽貴盛來江滄官衙有竹亦娟好倚風濯露搖
晴霏須知竹性尙直節炎涼閱歷無改移鳳皇雖然餐竹
實甯如雞鶩芻糧肥君曾登泰山頂齊州一氣連滄溟君

又踏峩舂巔太古白雪橫春煙其間竹木幾千載神靈飄
雨青如海知君夢魂猶戀此願乞閒身弄蒼靄我年未四
十解郡歸鄉園依然絆塵網白首無良田安得渭川滿千
戶編籬栽笋穿洲渚與君日日竹林下朝挈耒耨暮筐筥
身後之名猶易得身前快意殊難覓夜吟牕紙送秋聲依
稀竹韻鏗瑤壁

松下

當門溪水碧隔嶺夕陽紅久坐長松下方知有好風

晤羅新堂感賦

君昔成小築邀我題新詩酒甕初開口書牀欲礙舂廿年
阻相見各自領上髭舊遊星散盡那得不追思

謁露筋祠

蒼茫露筋祠，千秋峙淮水。不讀海岳碑，幾疑無是理。忠孝本真性，何必載青史。童婦口所稱，輒寓勸懲旨。貴賤豈殊倫，竒正有同揆。曹娥配湘君，古今一例耳。

秋日登文遊臺

天風吹送涼，秋來攜客共。上文遊臺樹，痕淡與飛鳥。沒湖光遠逐斜陽，開東坡竒才空蓋世。立朝無日安其位，黃州儋州隨所之。如葉飄風舟不繫，四賢於此偶登臨。萬里鴻冥那復記，轉令異代想丰采。蔓草寒烟勤表識，倏爾姓名鏘黨人。倏爾蘋繁崇廟祭，人間頃刻古成今。身後何知非與是，長淮直下入江流。回望峨岷天盡頭，蘆花楓葉半蕭

瑟向晚一樽聊拍浮

康山

我聞昌黎撰奇語物有不平乃善鳴崑崙琵琶擅千古嘈
嘈忽作風雨驚想其失意下江左眼高四海騎長鯨偶爲
絕調震流俗綽撥直是仙鸞聲當時屈已救良友官職身
名俱敝帚齷齪之徒務自完借問可能辨此否江山靈氣
眞有待廢榭名園倏更改踐約如將詩識畱

朱竹垞登康山詩有有約

江春到之句江鶴亭名春重新此山乃建踐約亭

舉觴却喜風流在已招詞客賦

大山還遣吳兒歌小海春花秋月一相過豪竹哀絲動蒼

靄

題朱子穎畫梅

思堂昔守泰安時齊魯青中寫折枝今日揚州披卷看梅
花如夢月初移

同年孫勗堂維龍官鳳陽日偶繪小照付其門人
汪蘅洲乞余題句并乞命工裝潢勗堂簡發蜀
中殉小金川之難有詔褒贈垂光史冊乃生平
所存遺像僅有此幅因歸之蘅洲而係以詩

燕市相逢意氣傾酒徒落拓舊藏名杏花忽共神仙籍棠
樹頻騰治行聲許遠捍城非武吏何蕃罵賊是書生登春
營外捐軀日想見鬚眉似戟橫

官閣清香點筆工青童媛女笑春風彥章畫像堪爲贊正
則多情卽是忠游戲却成千載事香花合受故人供

畫像
藏弄

余家數載余每以清酌庶羞供之門生猶有汪淪在潭水桃花染淚紅

子穎座上食哈密瓜

金尊爛醉望河樓仗劍曾爲絕塞遊誰剖黃琮堆滿案一天霜月憶涼州

子穎昔遊江南曾與羅兩峯朱二亭飲鐵佛寺今二十年矣頃都轉揚州重尋舊約醉後畫松付二亭爲題絕句

廿載江淮客裏身宰官重此證前塵山僧不識曾來客祇有青松是古人

以盆梅贈謝蘊山太守係以詩

印牀封後早休衙燕寢香凝日未斜莫道官中無長物同

年老友送梅花

子穎五十爲詩贈之八首

結交甫弱冠忽已至半百中間事紛如苦樂唯所歷君持
使者節前歲到江國故舊歡相迎廿載話睽隔余亦航一
葦急欲覩顏色酌酒對華燈照見髣髴白光陰一刹那何
處不陳跡

仗劍遊燕市共將肝膽論桐城姚夫子姬傳及君爲三人握

手登高臺酒酣氣益震昂首視白雲開襟向青旻共負千
載志榮華若埃塵蹉跎三十年夙懷終未申君官方貴盛
努力酬國恩他年輝史冊方知儒術眞

君躡長白雪我乘大海風君登峨眉嶺我上雞足峯君攬

泰岱雲我攀華岳松繭足半天下瞥眼如飄蓬平生製初服未免征塵蒙且勿道辛苦聊復誇遊踪

舉世習聲病苦學秋蟲鳴惟君提巨筆淋漓灑滄溟赤日出扶桑那顧羣怪驚龍馬蹴雲霧斷非驢所能建安陳思王開元杜少陵遐哉古之人使我心怦怦

姚子癯而妍君顏醜而壯虬髯二尺餘顧盼神益王當時負奇才共許文壇將那知閱歷還觀空喜無相少年月露緣收拾作供養居然三比邱機鋒互提唱恐是多生前同

龕檢龍藏

從陽劉夫子

魁

盛名六十年猿臂不封侯遺珠草澤閒君

也師事之藍青冰益寒長恨別離久無由達拳拳君來未

下車存問空江邊使者望於道壽金以爲歡劉君逾八十
雙鑠行地仙弟子爲美官少償身棄捐

從來老畫師夙世必詞客落筆無性靈丹青漫塗澤君畫
本家學奇境乃獨闢似臨萬人敵如展獅天鬪最憶朝京
師 帝命點竹石素紙鋪丹墀千巖成頃刻 天容怡然
開侍從舌爲咋卽此邀殊榮已足邁古昔

揚州盛園館楹桷皆丹青山光與禪智寂寞無人行君時
屏鷗從幽討穿寒汀窮交三五人共驗夙所經匏樽自行
酒破臆風泠泠山僧不相識苦教畱姓名君笑而不答爲
寫寒梅馨余亦與斯會感舊彌關情

爲弟學海題子穎畫 并序

楞伽經云如人學書畫伎樂漸成非頓因知書畫
雖小道斷無不從漸入者子穎觀轉天才超逸於
繪事不學而能頃見學海所藏渠十五年前之畫
以爲不可存而易之則知十五年中子穎漸進之
功深矣或曰子穎升沉宦海憂樂之撓其天者不
一而足何能十五年專力於畫余應之曰正是子
穎學畫處此意索解甚難亦須子穎覲面乃得證
明耳

江館春波接海陰
棕鞵席帽此幽尋
廿年擁節重來過
還寫孤舟聽雨心

春日江上訪黃月波遂同登金山與方丈謙公茶

話

爲訪詩人近水莊乘風便到水中央
滇濛舟楫歸烟海高下樓臺倚夕陽
話舊忽驚鬚髮改問禪可得主賓忘
渴來不望金莖露但乞中冷一盞嘗

明春巖寓書索題紅橋待月圖卽以奉懷

萬里滇池外逢君十載前
煙雲一分手消息兩茫然
森森紅橋路溶溶碧月天
相看衣帶水何日袂重聯

三弟季明薄宦楚中三載矣檢篋中得其高館疎
桐小照因題詩其上以寄遠懷

日落黃州暮靄深秋生
京口晚風侵誰知一夜庭梧響
榻心獨三年聽雨心

送姚姬傳自揚州歸桐城二首

連江寒雨送歸舟，楚蓼吳楓一片秋。
浮世從來驚腐鼠，餘生只合伴閒鷗。
他時春樹同迴首，明日黃花獨倚樓。
杜牧風情真減盡，從今無夢到揚州。

上下雲龍卅載強，幾番湖海與巖廊。
流萍逐水終須散，小草還山分外香。
早信榮華如轉睫，乍逢離別也迴腸。
河橋黯黯孤帆去，檢點顛毛各有霜。

唐耀卿招遊北固山歸塗口號

山上招提山下村，江煙樹影作去黃昏。
半規月色藤蘿外，直送遊人入郭門。

贈家菊田

結客場中四十春，生平肝膽向誰論。
長髯獨對西風立，自佩青萍擬報恩。

寓晚香園再贈菊田

人有湖海氣，園依竹樹斜。
友朋爲性命，詩酒度年華。
春雨三篙水，秋田半畝花。
頻年真有幸，兩度到君家。

登六和塔

海氣共山翠，微茫不可分。
遙空歸雁見，隔岸野鐘聞。
誰假風前翮，疑生足下雲。
龕山青一點，萬里接斜曛。

謝陳望之惠梅花

未春香已透，折枝風更斜。
山人多少福，消受此梅花。

東陳望之觀察

西湖永夜月窺船別後相思閩嶺邊千里雲山仙眷屬半
生江海老同年看君風貌還如昔愧我豪情不似前此日
臨霞重把袂劉安疑是再生天

余舊賦長句向梁山舟前輩索書頃來杭州山舟
次韻見贈仍用前韻答之

書家派衍如族姓或祖風流或蒼勁環肥燕瘦各有取璧
橢眉鬢非是病古人不礙智無師後學惟期近所性苦爲
院體遭檢縛坐使天情失奇橫如公札翰絕點塵蓄願多
年方敢請忽然下賁百顆珠几上黃庭疑可屏入春陰晦
泱兩旬展向疎牕玉光瑩況酬險韻擣桂薑佳句名書二
妙並但須真本蘭亭在款訟紛紛自然靖年來焚筆事枯

禪見獵無端發高興詩筒往返走長鬚重與鉢孟安一柄
汪劍潭偕何數峯雨中過訪寓齋畱飲竟夕命家
伶度湯臨川還魂邯鄲二種曲翌日劍潭製詞見
贈悽怨溫柔感均頑艷余弗能爲詞以詩荅之
柴扉陰雨不曾開忽報江南二妙來聽罷臨川腸斷曲始
知惆悵爲多才

春草煙湖綠半斜紅牋珍重寄瓊葩人間有此銷魂句莫
怪仙人恨落花

題家方川編脩天街走馬圖卽送入都方川名增
以第二人賜及第者也

鴻臚紫殿唱曉雲春雷一聲天下聞天街走馬繡簾捲婦

夢湘言集卷之二 九
孺爭識新郎君，寒牕十載挨螢雪。一夕馬蹄花下，瞥載筆
親含青瑣，香校書直上紅雲闕。君才天驥脫羈鞅，秘閣先
儲棟梁用。早有文章與福齊，方信科名以人重。西湖春暖
桃花發，官廚共醉金尊月。乍見渾同夙昔歡，斯文骨肉情
原切。示我看花舊日圖，絲鞭飾金勒，貫珠鈞天仙樂。叨先
聽夢回，但覺春模糊。我添白髮，菰蘆底君向玉堂天。萬里
不知當日手栽花，幾度紅英逐流水。

上已後一日同袁簡齋前輩吳西泠布衣暨諸子
補脩禊於半舫齋得之字

雨中忽過執蘭期，久住西湖未有詩。故說書名追禊帖，重
將文讌補花時。庭垂新綠搖簾櫺，人對殘紅感鬢絲。欲就

米家租半舫飄蕭江海住何之

畫菊於扇戲贈菊田

君家種菊已成田每到秋來香滿軒寫把一枝君手裏賺
君看畫憶鄉園

寄懷陳澂之

西湖春盡水如天客裏春心付晚煙瀛海舊遊成再世梁
園小別又三年刀圭眞訣功難待兒女離情夢易牽大好
折蘆乘逸興江樓明月故依然

澂之昔日南來會
寫折葦渡江圖

夜堂賦別圖詩 并序

餘杭羅綺之地西湖山水之鄉官斯土者例有名
賢遊其間者亦多勝侶然而蕭條人代或不同時

悠遠山川殊難接席自非門才兼擅品譽雙清
雅頌爲經綸以友朋爲性命如葑洲主人者烏能
使雒鐘荅響以類相從時鳥鳴春同聲相應如此
哉維時酒盡累觴燭將見跋爰於廣座傳示斯圖
斯圖也唐子畏偶然涉筆王守溪首倡爲詩當筵
景物盡入題評一代名流都歸卷軸於時江干老
宿將賦歸歎袁簡齋太史東國上才亦縈鄉思金柘田殿撰
睽茲別意各觸離愁分製詩篇用摠懷抱越數日
而星橋舍人自吳門而至冶山太史剪淞水而來
條山爲粵海之賓竹鄉厠竹林之列咸標赤幟並
展霞牋文讌之盛於茲極矣余獲與清遊謬叨屬

和主人則劉虛世戚更兼髫髻之同年上客則徐
阮雄才盡是江鄉之夙好謹陳顛末復記歲時庶
幾謝公棋墅常仰山青逸少蘭亭無虞石泐

海內數上名宿落落纔數輩自公來杭州遠邇一時會緊
公稟天性嗜客兼嗜畫絹素發古香翰墨照晴靄暇則延
勝流把酒評殿最昔人稱好龍見真驚或駭精鑒自古難
公善窮瓌怪源流細爬搜纖巨無割愛良驥櫪常伏佳士
羽愁鍛安得公持衡盡廣造物隘物伸於知己使我發遐
嘒唐生通靈筆隨意夜堂灑離筵列某核點染及瑣碎分
賦有鴻製一一盡物態讀畫復哦詩塵襟聊一快維時華
燈張衙鼓過已再醅顏觸別懷歡譙轉增喟袁公老飛將

鴻舉靡所礙金君中朝英梧桐鳳鳴颺江湖水阻深玉京
雲黶黶賢豪不常聚美景安可貸引觴欲斟酌殘燭照情
話酒罷雨滴階竹聲響牕外

陳望之雪鴻小築同顧星橋陳竹鄉家條山治山
會飲竹鄉卽席有詩呈望之爰次其韻

詩宗畫派有真源海內名賢此討論相骨直將凡馬洗愛
才殊覺餽羊存擘牋漫道花盈座投簡曾傳雪滿園今日
金尊檀板畔方知藻鑿屬膺門

次日奉招星橋竹鄉諸君於池上吟寓軒顧曲竹
鄉用前韻見贈再答一章

老懷無復倒詞源識曲如君合細論會得心聲千古是不

妨雅樂至今存樓橫玉笛月窺檻花對金卮春沁園憶演
雙圖張蓋舫一時名士會吳門竹鄉撰雙圖記樂府命吳
中名優演之余與程士門
吳竹嶼諸君
俱與其會

戲謝家菊田贈茉莉花

夜月如水透碧紗微香欹枕髻堆鴉八關近日孤眠慣空
負詩人茉莉花

次顧星橋韻再贈彈詞王女

十年垂釣占蘇隄相見西湖西復西杜牧鬢絲渾改盡綠
鬢依舊映玻璃

題大滌子畫李太白詩意十冊卽次其韻二首

青蓮詩句妙天然清水芙蓉習曉烟偶被清湘拈數語却

愁人當僻詩傳

詩情畫意兩飄然骨有清霞腕有烟何必遠徵關董蹟但
饒風韻便堪傳

春日家少林之任漢陽訪余里居不值畱書而去
頃見其書却寄以詩

三月春江復漲痕知君訪我舊柴門武昌楊柳今搖落多
少秋心欲共論

貢貞女詩四首

貞女姓貢氏許字陳氏子基將娶而殤女歸陳氏
守貞爲作詩四首

烏雲雙鬢正盤鴉深鎖金堂護碧紗從此杜鵑千點血一

時開作女兒花

喪明喪子痛何如

翁時失明

暗搵啼粧拜舅姑溫清居然人子

職不知新婦却無夫

屈戌重重春復秋伶仃門戶不勝愁傷心生怕高堂覺強
理殘書明月樓

夢向丹臺注姓名因緣何處問三生仙家淪譎應如此不
向人閒哭一聲

題畫

村塢無人曳杖藜衡門畫掩草萋萋午雞啼罷睡初覺紅
日照到葵花西

有繪朱子穎萬山青到馬蹄前句爲圖者余綴以

詩二首

小溟都轉自幼習爲詩歌風骨適上直與盛唐分
席子與桐城姚姬傳三人共相倡和必推小溟爲
巨擘壬年分校小溟獲售遂稱弟子然實余之畏
友也晉陵呂君叔訥後來之秀雅慕小溟格律小
溟舊有萬山青到馬蹄前句叔訥丐其鄉人繪圖
於冊亦見其傾嚮小溟至矣頃余於杭州見之爲
題二絕兼以寄懷小溟云

小溟詩格逼青蓮馬上畱題萬口傳忽向西湖看畫卷青
山回首廿餘年

當年造語必驚人吟遍燕臺萬里春今日江南頭並白却

將前事與誰論

佛齋長老南屏駐錫圖

宗鏡當年古道場溪聲山色費承當問師駐錫今何意依
舊春風到綠楊

李約菴至揚州索朱子穎轉運畫出峽圖長卷以
李與朱皆曾官蜀中親見三峽之奇故也頃於杭
州獲觀爲題卷後

人生不歷奇險地安居美食殊無謂自慚住世五十年浮
海一役差強意珊瑚釣竿拂海長銀濤倒迴日月光歸來
江湖似盆沼至今跋涉輕舟航吾友小濱好奇者乘舟出
峽如乘馬五月瞿塘浪拍天江陵一日從天下巫山巫峽

煙霧開兩岸但聽猿聲哀開頭振舵並離弩轉石砢崖地
殷雷前歲揚州酒酣後掀髯向我談遊舊談到乘風破浪
時三千鍊甲當筵驟小滇官揚畏官熱無柰門前日干謁
李君奇士忽投刺聞人愕眙脚失跌自言骨格驪黃外不
索黃金唯索畫親攜三峽風濤來請公健筆馳雄快蜀江
萬艣日來往浪花堆裏誰評賞奇人奇事必有偶不爾甯
知天地廣錢江江水漾鞞紋與君展谷當斜曛雲垂海立
在尺咫驚起波神英烈君

題薛素素自寫小照爲陳伯恭太史二首

清簫畫裏欲黃昏風景依稀認白門
休話當年金粉事板橋秋雨沒苔痕

香君小像斷紈存扇上桃花若有魂

伯恭令叔澂道人藏有李香自寫小照

惆悵南都風月稿只今收拾在梁園

宋小巖奴後其尊人以小巖手書金剛經見貽感

題卷後二首

紅梨花下玉堂仙紛手丹青謾幾年往事盡隨泡影去金
經一卷續前緣

婚宦分拏萬種情生前誰肯信無生

小巖衡陽罷郡後余嘗致書勸學無生小

巖未之許可

書經福德河沙數自熱心香與證明

次韻酬雷峯

紅塵袞袞過中年陶寫非關泥管弦倦客心閒唯奉佛文
人習重怕生天離懷西蜀遨頭舫往事東華豹尾鞭酒伴

詩豪零落盡見恆河性故如前

雷峯再惠報章譽豚兒過甚仍用來韻奉答

兒女相當紈綺年老人親與縮朱弦光生明月琉璃地暖
勒餘春芍藥天南國風琴諧柳絮東牀書格愧絲鞭此番
十日平原會別恨重償十載前

朱子穎都轉內遷京秩送別二首

屬車春暖下南來 三接優恩得幾回杜牧揚州原是夢
微之中禁舊稱才歸朝翻遂鄉園樂惜別終嫌暮景催倘
憶當年談劍地披襟頻上郭隗臺

天涯意氣若平生咫尺雲山忽萬層聚散如萍真莫定悲
歡雖夢也難勝詩名久被官聲掩介性還同道味增知我

衰年歸宿處，殘經一卷在家僧。

爲祝芷塘題接葉亭圖卽送其北上五首

接葉亭邊路，春風暖欲顛。圍碁芳草地，把酒夕陽天。大雅

承前輩

亭爲湯潛菴先生故第

閑情稱散仙，披圖如昨日。忽已十年

前

風貌玉難琢，文章錦不如。聲名方起日，我輩訂交初。春月
圓還缺，秋萍密復疎。却憐予與汝，冷淡鎮相於。

館閣羣英萃，封疆列鎮雄。柳從攀後綠，花是去時紅。香案
眞天上，霓裳似夢中。多君紆使節，頻欸釣魚翁。

前年銜恤返，乞我勒豐碑。此日還朝去，維舟江水湄。蕭齋
畱信宿，漢隱得追隨。同遊焦山又好成圖畫，唯予有白髭。

雷峯蜀江至萬里結婚姻恰值君相訪三人話苦辛眼看
兒女長心憶歲華陳怕見孤舟別煙波黯去津

淮陰訪程壽補同年於荻莊竹杖青鞋宛然道者
相與共談竺典歡甚頃承用余送姚姬傳詩韻見
贈賦答二章

浮淮偶放釣人舟小住僧房忽報秋
蒜髮頻添堪侶鶴機心漸減不驚鷗
當年對直芸香署今日閒登竹塢樓
愛煞晚來湖影澗剪刀真欲借并州

喜君病後步猶強導我週迴繞曲廊
白飯同餐禪悅味心燈獨熱戒壇香
還憑淨域楊枝水爲洗詩人錦繡腸
悔不卅年前學道石頭滑路踏清霜

爲祝芷塘題振衣千仞圖

君不見泰山日觀之高峯陰陽昏曉通鴻濛齊州煙痕布
未滿滄海一綫流杯中又不見太華玉女孤峯立萬丈無
梯聳青壁當心豁擎巨靈掌橫空硬踏蒼龍脊此皆域內
之瑰奇神功默運不可知雷雨都從腳底走星辰倒作珠
簾垂伊誰振衣踞其上世界三千同一望志士由來多苦
心閱盡冰霜表微尚昔君童丱負才名雪臆坐破青氈青
孤身直致霄漢頂同學汗流妬且驚翰林之官素貴倨木
天縹緲翔鶴鷺邇來索米復求縑衆裏自嫌顏色沮君之
介性誰能攀躡足如在幽巖間雲裾羽帔不可卽但覺仙
骨風珊珊前年銜恤歸鄉曲朝吸湖光暮山綠不露文章

已逼人爲擔名教甘懷玉與君結交二十年君之心事惟
我傳千秋自合有定論眼前毀譽徒紛然我自休官返衡
泌忘機鷗鳥垂雙翅頻年況復禮空王屣提心下如平地
新沐慎勿輕彈冠新浴慎毋輕振衣君不見東西兩丸跳
不歇誰向虛空分是非

潘蓮巢羣卉卷子

詩人脚底有春風千朵花枝頃刻紅惹得庭前雙蝶蝶尋
香故故繞簾櫳

秋日鮑雅堂招集寶蓮精舍謝浣雲卽席成詩同
人咸次其韻

竹徑罕人跡但聞風露芬遙山當戶見落葉隔牕聞秋水

明如月秋心淡若雲一時高詠者都繼謝將軍

重九日黃月波招同人北顧山登高次月波韻

萬里江流此却迴嵯峨山勢挾秋來從來是日晴難遇況
對故人顏易開北府雄兵仍鼓角南朝舊苑尙樓臺哀絲
脆竹斜陽裏獨爲黃花一引杯

秋日黃鶴山莊卽事

東南山水處隨意成林藪我爲戀西湖鄉園別來久當年
信宿地石壤松亦朽荒寒正復佳叢薄樵蘇走籬外日沉
山池邊潮到牖繁華過眼頻佳日開懷偶歸途尤可愛明
月掛衰柳

遊雲棲次韻二首

千巖松作雨數里竹鳴風佛土無塵到禪關有路通齋廚
山翠裏梵唄月明中晨起重吟眺林端煙霧濛
蓮師開淨域樂此隔躡喧貫弗三乘法歸依兩足尊教宗
無別相頓漸亦同門六字圓脩外何須立語言